



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and Youth

Broj: 11/03-34-10308-16/20
Sarajevo, 03.06.2020. godine

SKUPŠTINA KANTONA SARAJEVO
n/r Mirze Čelika, predsjedavajući Skupštine Kantona Sarajevo
-Ovdje-

PREDMET: Odgovor na zastupničko pitanje, *dostavlja se*

Poštovani,

Zastupnik u Skupštini Kantona Sarajevo **Igor Stojanović** na 24. radnoj sjednici Skupštine Kantona Sarajevo, održanoj dana 23.04.2020. godine, u okviru tačke dnevnog reda „Poslanička pitanja, inicijative i odgovori“ postavio je zastupničko pitanje:

„U toku vanrednog stanja u Centru Vladimir Nazor planirane su dežure po 7 nastavnika. Ovom odlukom prijeti potencijalno stvaranje klastera u ustanovi koja radi sa posebnom grupom ljudi. Također i potencijalna opasnost da uposlenici zaraze svoje članove porodice. Molim Vas da proverite ovu Odluku, da li je ona u skladu sa Zakonom o radu (čl. 55), kao i sa Zakonom o zaštiti na radu?“

Odgovor:

Ministarstvo za obrazovanje, nauku i mlade svim osnovnim i srednjim školama dostavilo Instrukciju broj: 11-34-7669-1/20 od 13.3.2020. godine kojom je jasno propisano da direktori osnovnih i srednjih škola, u kojima se izvodi online nastava, mogu napraviti izmjene u organizaciji rada škole što, između ostalog, podrazumijeva da direktor određuje vrijeme, mjesto i način rada svih radnika škole za vrijeme važenja Odluke Vlade Kantona Sarajevo i Ministarstva o organizaciji rada u odgojno-obrazovnim ustanovama.

Donošenjem niza odluka (Instrukcija, naredbi, obavještenja) od strane Ministarstva, a koje su dostavljene ustanovama iz nadležnosti Ministarstva za obrazovanje, nauku i mlade, uz aktivnosti koje preduzimamo kako bi dali potrebnu podršku ustanovama u realizaciji „Online nastave“ osigurane su pretpostavke da se mjere usmjerene ka suzbijanju širenja koronavirusa (COVID-19) u tim odgojno-obrazovnim ustanovama uspješno implementiraju.

Svakako da menadžemnt ustanove ima punu odgovornost u organizaciji rada svih radnika u smislu organizacije radnog vremena, mjesta i načina rada svih radnika škole.



Naime, Zakon o osnovnom odgoju i obrazovanju („Službene novine Kantona Sarajevo“, br. 23/17, 33/17 i 30/19) te Kolektivni ugovor za djelatnosti predškolskog odgoja i osnovnog odgoja i obrazovanja u Kantonu Sarajevu („Službene novine Kantona Sarajevo“, broj: 4/18) jasno je propisao da je direktor organ rukovođenja u školi i samim tim ima sva prava i obaveze koje se odnose i na pitanja radno-pravnog statusa radnika ustanove.

Ministarstvo za obrazovanje, nauku i mlade nema zakonsko ovlaštenje da vrši nadzor nad primjenom propisa iz oblasti radnih odnosa. To pravo je zakonom dato nadležnom ministarstvu rada (*nadzor nad zakonitošću rada*), nadležnom Inspektoratu rada, zaštite na radu i socijalne zaštite (*inspeksijski nadzor*) te školskom odboru Ustanove kao drugostepenom organu (*po žalbama radnika na pitanja iz radnog odnosa*).

S poštovanjem,



Dostaviti:
1.Naslovu
2.a/a.



web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

